

Інформація про Державное урядництво по вопросам защиты персональных данных и свободы інформації

Заданям фунгуючого від 1-го януара 2012 рока Державного урядництва по вопросам защиты персональных данных и свободы інформації (скурчено: NAIH) – функції котрого схожі из функціями раніше існуючого комісару по защиті данных, айбо из булш широков компетенцієв – є провірка реалізації прав по защиті персональных данных, и спомоганя у познакомлені из сосполными данными, и публічними данными, котрі представляють сосполный интерес.

Їго діятелность регламентує майперво закон СХП. выданя 2011 рока «Про право на інформаційное самоопреділення и свободу інформації». Удповідно сёму:

- персональными данными рахують ся хоть які дані вадь выводы, извязані из конкретнов особов, наприклад, имня, контактна інформація (адреса e-mail, домашня адреса, номер телефона и др.), освіта, доход, айбо сесе може быти и оцінка її роботи вадь кредитоспоможности;
- сосполными данными рахують ся дані державных органів авадь органів самосправованя и подпорядкованых їм організацій, и такой дані фірм, котрі займають ся операціями из державными грошми, наприклад, булша вадь часть данных, котрі суть у договорах, контрактах, указують ся під час реєстрації фірм;
- публічні дані, котрі представляють сосполный интерес – сесе такі персональні дані, про гласность котрых наказує закон, наприклад, имня и посада, шаларія руководителей державных органів, вадь имня руководителя газдівського дружства.

У достатых урядництвом NAIH наріканях заявники общо скаржать ся на вто, ош їх персональні дані обробляли ся протиправно, авадь не была застачана (вадь лімітована) можность діла ознакомлення из сосполными данными, и публічними данными, котрі представляють сосполный интерес. Из наріканям рекомендує ся обертати ся испершу до обробника данных, обы він у рамках своєї компетенції выправив віроятне нарушіня прав. Кедь сесе не дасть результата, то урядництво NAIH у рамках так званого провірочного процесса розглядає наріканя и закликає до перестаня протиправної ситуації.

У припадку безуспішности такого жаданя, вадь кедь цалком сесе мотивує ся обставинами протиправної обробки данных (припадок тыкать ся многих особ, вадь може завділяти велику шкоду), уряд може провезти так званый урядовый процес по ділам защиты данных, в рамках котрого є можность накласти штраф за непотриманя закона про защиту данных у сумі до десяти міліонів форинтів.

Удносно основного права, извязаного из познакомленням из сосполными данными, то значить из реалізацієв свободы інформації, орган, котрый застачає завданя сосполства, має подвойні повинности: з одного бока, він має сообщати на своєму сайті перечислені

законом дані, з другого бока, довжний сповняти жаданя, што ся тычуть даных, котрі надходять. В урядництво НАІН можна звернути ся из заявов в тому припадку, кедь особі удвертають выказ даных, вадь вони є неповными, застарілыми, вадь вызначають надмірну ціну діла выготовлєня копій.

Урядництво НАІН веде регістрацію защиты даных.

Аудіт у сфері защиты даных – реалізований при варунку платы – є таков услугов урядництва НАІН, котру обробник даных може рекомендовати даже до зачатка обробкы даных. Приріхтований аналіз містить выявленный ризк, піднимать позур до припадків поуживаня протиправных дій, также у нєму можуть быти надані рекомендації діла їх апеляції.

Зачинаючи від 1 октовбра 2015 рока буде ся сповняти подобна діятелность, котра буде ся зачинати также на просьбу обробника даных, сесе так званий конечный процес, направленный на затверджіня регламентації фірмы, котрый полегшить передачу даных за гатары про обробників даных (поза територієв Европського економічного простора), заставаючи защиту персональных даных дякуючи самоохотным убязаням на удповідному уровні.

Важным заданям, котрое исповняє ся урядництвом, є процедура надзура за сохранєням тайн, у процесі котрої провіряють ся кваліфіковані дані як державні (общое толкованя: державна тайна), при сєму у постановлені може быти наказано даже застановити секретность, кедь кваліфікуємый не згоден из постановліням урядництва НАІН, він може апелєвати її у суді.

Урядництво НАІН, як державный орган защиты даных, бере участь в межинародній сполупраці, як из організаціями Европського Союзу, так и працюючими поза ёго територієв; так, наприклад, застає надзур защиты даных у Мадярщині, извязаных из Шенгенськов інформаційнов системов (SIS), Европолем и візовов інформаційнов системов (CIS). Деталні варункы звязані из подачов наріканя удносно защиты даных мож найти на сайті урядництва НАІН у розділі «Інформація, повязана з межинародными справами».

Державное урядництво по вопросам защиты персональных данных и свободы информации

1125 Budapest, Szilágyi Erzsébet fasor 22/C.

Telefon: +36-1-3911400

Telefax: +36-1-3911410

E-mail: ugyfelszolgalat@naih.hu